

www.BibleForChildren.org

Mothi 26




Bacoa' porob
ehobna' chodin
laha Jisu Boithoniâre
cane. Jisute eke goi'
khai' jiu' beretlidie ani
Lasardo are baso'sane.
Natayom Moriom mi' liâr
aima dâmi, mohoyona'
khâti so sunum âgukete'
Jisuo' jangare ojo'odie ar nijeya'
boho'na' upte Ania' janga jot'ke'taye,
ana mohokoyona' so sunumna' sote
goça ora' pere'ngena.



Natayom thâkuâ' Jihuda Iskarioth nutumte angko
baroṭe' celako talare' mi'hor Jisu sabsoi la'te marang
purohitkoṭhe' cane. Angkodo
Jihudaoa' katha atenkete'
kusinako ar âni thep maikoha'
mente rikitkedako. Tâkhni
Jihudate Jisu sabsoi la'te
sujog sendrela'
lagone.



Celako Jisua' hukum lakagi kâmi kedako, ar bacoa' porobna' bhoj sapro kedako. Jâkhni angko jom sanako, ana somaigi Jisu piṭhâ engekete' Issor dhonnobad makidie. Natayom ana piṭhâ keca'ke'e ar celako makete' menkede, "Engepe ar jompe, nado Ingâ' hormokana."



Natayom Jisu mog engekete'
Issor dhonnobad makidie ar
celako makete' menkede, "Ape
sanamkhoi' na nuipe, karon na
ho'kana Ingâ' meyom akata'do
aima pâpi âdmi papna' khoma
namla'te ma ho'a. Issor ar âdmiko
talare cukti hisâbte sikriti ma'e."




Tâkhni Jisute Simon metakidie, "Simon, sabdhante
aten, Soitante ape purikkhape la'te onumoti koikade
jerokum miṭi' câsi calonite calonikete' guhum bacheye
anakakagi Soitante ape purikkhapehe'. Khe' Ing, Simon
am la'te kojongkâding jate ama' pâtyure bhangon
bang dharo'tama. Jâkhni am âcur hi'lenkhe' tâkhni
amren boihako
suktisâlikomaha'."




Pitorte Jisu metakidie, "Probhu, Am suli' ing jelre ca'la' ar gojo'la'ho sapro miningâ." Uttore Jisu menkede, "Pitor Ingte am metamkâning, seta'bera sim kukru lahare amte pe jhikâ Ing osikârkete' menmaha' je, amte Ing bang cinhukâdiâm."



Natayom Jisu celako suli'
Getsimâni nutum miṭi'
jagare cane, ar celako
metake'koe, "Ing aṛe
cakete' tinkhâni'
koijonginghâ' inkhâni' ape
naṛegi duru' tahanpe." Âni
menkede, "Baba, Amṭhe'to
sanama'gi sombhobgiâ. Na
dukna' mogdo Ingṭhe' khoi'
Am idime. Taoreho Ingâ'
ichâlaka jate bang ho'a,
khe' Ama' ichâlakagi
ho'man."




"Tâkhni marang purohitkote ar Forisikote Jihuda suli' mi'dol Roman sonno ar Mundir kormocâri madiako, ar Jihuda angko suli' dibiâ, mosal ar toroal laite aře seterne. Tâkhni celako talare miți' âdmi toloyarte marang purohitren dasa' jojma lutur get' girike'taye. Khe' Jisu menkede, thiru'pe ardo bang." Niâ menkete' Ânite âdmia' lutur joțet'kete' âni manjakidie.



Tâkhni angkote Jisu sabkete' marang purohita' ora're idikidiako. Ar Pitordo sâhing khoi' tayom tayom ca'sane. Niâtayom âdmiko racana' talare sengel jolkete' duru'nako, ar tâkhni Pitor hi'kete' angko talare duru'ne.




Khe' marang purohit'ren
miṭi' das, Pitorte eke
âdmia' lutur get' girila'e
âniren miṭi' pânâ,
menkede, "Ing ki am
baganre Jisu suli' bang
lelka'meing?" Pitor abar
osikâr kede, ar tâkhnigi
miṭi' sim ṭahukede.
Tâkhni Pitor baherre
cakete' huk huk melai
ragla' lagone.




Tâkhni ana sobhani' sanamkhoi'
beret'kete' Jisudo Romioren marang
sasoni' Pilâtthe' idikidiako. Tâkhni
Pilâtte Jisu kulikidie, "Am ki
Jihudiren Rajakanam?"
Jisu menkede, "Amgi
menkedam." Tayomte
Pilâtte Jisu bâgila'
namsane, anate âni âdmiko
suli' arho katha menkede.

Khe' âdmiko niâ menkete'


cillula' lagonako, "Âni kurusre
maipe, kurusre maipe."




Tâkhni Pilâtte Jisu kurusre
maila'te angkoa' tire makidie.
Tâkhni sonnokote Jisu
idikidiako. Jisu aia' kurus Ai'gi
go'kete' boho'na' jang jaga
nutum miṭi' jagare calone. (Ibri
kathate ana jaga Golgotha
meta'ako).



Are angkote Jisu kurusre
makidiako ar Âni saote arho barhor
kurusre make'kinâko, Jisudo talare
ar barhor bar kandhare.



Sing canduna' marsal bang tahelena. Jirusalem
Mundirna' pordado tala talate cirâkete' bar bhakgena.
Tâkhni Jisu cillukete' menkede, "He Baba, Amṭhe'
Ingâ' atta make'miying." Ar niâ katha
menkete', Âni goi'ne.




Tayomte âyupgena,
Orimâthiâren Josef nutumi'
mi'hor hi'ne, ânido tahalene
marang sobharen
miṭi' manotan hor, ânido
nijegi Issora' rajjo la'te
dahar bengetsane.
Âni sâhuskete'
Pilâtṭhe' calokete'

Jisuoâ' hormo
koikede.



Josef miți' lugri kiringkete' kurus khoi'
Jisuo'a' hormo agrokete' ana
lugrite poțomkidie, ar buru
getkete' banoa' miți' topare
ana hormo dohokede.
Inâ toyom âni topana'
mocare miți' diri
guṛkukete' topana'
moca bondokede.



Tayom din, orthat ayojon dinna'
tayom din, marang
Purohitko ar thoṛa
Forisiko Pilâtthe' hikete'
menkedako, "Probhu,
aleya' mone mena'a,
Âni protarok jiuít'
tahare menlede,
'Pe dinna din Ing
jiuít'



beredoing.'



Tâkhni angko cakete' diri
cetanre silmohor
makedako. Ar
topa jogo la'te
jogoi'âdmi
dohoke'koako.



Jiru'a' dinna tayom soptana' palhe
dinna seta'bera Mogdolini
Moriom ar eṭa'uni' Moriom
topa lella hi'nâkin. Tâkhni
hoṭat marang
bhumikompo hona,
inâtayom Probhuren
miṭi' sorgodut
sorgo khoi' agro
hi'ne

ar topana' moca
khoi' diri oco'kete' ana
cetanre duru'ne. Ânia'
botorte topa jogeyi'
âdmiko hilu'la
lagonako ar goi'
laka genako.



Âni sorgodutte rejako metake'koe,
"Ape alo botoro'ape, karon ing
bareing, je kurusre maholena
apete âni Probhu Jisugi
sendraikanape. Âni nare
bânuiâ, karon âni goi'
koi' jiu' beretkane."



"Hiju'pe, Âni jeṭhe' giti'lene, ana jaga
lelpe, Ape saṭlaka cakete' âniren
celako metakope 'Âni goi' khoi'
jiuit' beretkane ar menkede,
apeya' lahare Gâlire
ca'kane."




Angko rejako botorlenako, taoho aima
hub saote satlaka topa khoi' âcur
canako ar Jisuren celako niâ
khobor mako la'te dâru'la
lagonako.



Emon somai Jisu hoṭat angko
rejako samne hi'kete'
menkede, "Apeya' mongol
ho'mana." Tâkhni angko
rejako Ânîthe' cakete' Ânîa'
janga sabkete' ḍobo' ar
seoakidiako.





Niâtayom angko egarote' cela jomla' duru'lenkhe', Jisu angkothe' napamne, Ânite angkoa' binpâtyu ar keṭe' mon la'te angko dhamkoke'koe, karon Âni jiu'it' rakap tayom ekekote Âni lellidiako, angkoa' kathaho angko bang pâtyukanako. Celako saote katha men tayom Probhu Jisu Sorgore tul rakap hona ar Issora' jojmahate duru'ne.



Karon Issorte na dhârtiren âdmi nâni'
dulârke'koe je, Ai'ren miṭi' Hopon
dankidie, jate, jahegi Ânire pâtyu'e,
ânido bang noṣo'e, khe' ononto
jiui name.



Romio 3:23 karon sanamkhoi'gi papkadako ar Issora' gourob nam khoi' aima sâhingre mena'koa.

Romio 6:23 Pap akata' darma emo'e anado ho'kana goi', khe' Issor akako dan emo'e anado ho'kana aboren Probhu Khristo Jisuo' talate ononto jiui.

Ibriio 9:27 Âdmi la'tedo mi'jhikâ goi' ar goi' tayomdo ânioa' bicâr ho'a.

Ifisio 2:8,9 Karon Issora' dayate pâtyuna' talate ape baco namkadape. Apedo nijete nijedo bang bacokanape. Anado Issora' dankana. Ape nijeoa' kâmina' jo hisâbte apedo bang baco namkadape, anate ekegi gorbokete' bang men dare'e je ânido ânioa' nijete baco namkade.



Romio 10:9,10 Ana kathado hona, judi ama' mocate Jisu Probhu mente sikâriâm ar ontorte pâtyuiam je, Issorte Âni goi' khoi' jiu'it' rakapkâdie tahale amdo pap khoi' baco'maha', Karon Jisu pâtyu talatigi Issortedo admiko nirdos mente atangkoe ar mocate ana pâtyuna' katha sikârkhe' pap khoi' uddhârkoe.

Johon 3:16,17 Karon Issorte na dhârtiren admi nâni' dulârke'koe je, Ai'ren mi'iti' Hopon dankidie, jate, jahegi Ânire pâtyu'e, anido bang nos'oto'e, khe' ononto jiu' name. Cekela'bang Issortedo dhârtiren admioa' bicâr la'te ai'ren Hopontet' bang kolkâdie, khe' dhârtiren admi jate ani talate baco'ako.



1 Johon 5:11-13 Ana sakkho niâkana je, Issorte abo ononto juii maka'boe, ar ana juii Âniren Hopontet'a talare mena'a. Issorren Hopontet' ekete namkâdie ânido ana juiiho namkade, khe' Issorren Hopontet' ekete bang namkâdie ânido ana juiiho bang namkade. Niâko katha apeṭhe' olkiding jate ape bare dare'ape je, ape ekeko Issorren Hopontet' cetanre pâtyu'ape angkodo ononto juii namkadape.



Mothi 26-28; Luk 22-24; Johon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kol NT (ekl) ©2025 Bible Students Fellowship of
Bangladesh

<https://www.bible.com/en-GB/bible/4282/MAT.1>

©2026 Bible for Children, Inc.

www.M1914.org

www.bibleforchildren.org

